



**CULLETTIVITÀ TERRITORIALE DI CORSICA
ASSEMBLEA DI CORSICA**

1^{IMA} SESSIONE URDINARIA PER U 2016

SEDUTA Di u 14 È u 15 D'APRILE

N° 2016/O1/013

Dumanda à bocca posta da u gruppu « CORSICA LIBERA »

Ogettu : Prublematiche scuntrate da i cacciadori corsi

O Sgiò Presidente,

Qualchì ghjorni fà avite ricevutu ripresentanti di i cacciadori di Corsica. U Presidente di l'Assemblea di Corsica l'avìa ricevutu dinù qualchì simana nanzu. Vi anu fattu sapè e so difficultà di pettu à regulamenti manc'appa adatti à e rialità di u nostru ambiente, massimu per ciò chì tocca à i periudi d'apertura di a caccia. A dumanda di benefizià d'un quadru propriu à a Corsica hè stata mutivata da studii relativi à i ciculi migratorii è à u statu di u bestiame selvaticu.

U trasferimentu à a Cullettività territoriale di Corsica di a regulamentazione di e date di caccia hè una rivendicazione digià anziana di a nostra stituzione. In u 2013, una muzione in stu sensu era stata accunsintita. Disgraziatamente è cum'ella hè spessu di regula, ùn ci hè statu nisuna risposta da a parte di u governu francese. Primurosi di difende sta pratica chì vene da una tradizione propriu anziana è e so specificità, ùn ci pudemu cuntentà di stu disprezzu.

O Sgiò Presidente, ci puderiate fà cunnosce l'iniziative ch'è v'avite pigliatu o ch'è vo vi prupunate di cunduce in seguitu à sti scontri cù i ripresentanti di i 20 000 cacciadori di Corsica ?

Nantu à un antru registru, s'ella ùn hè ghjunta nisuna risposta à e dumande di i cacciadori, a Federazione di Cismonte hà fattu sapè, per via di un cumunicatu, ch'elli eranu stati destinatarii d'una inghjunzione propriu particolare venendu da u Procuratore di a Republica di Bastia. Dava l'ordine à a Federazione di

« fà u piacè di cumunicà li l'identità, l'indirizzu è e cuordinate telefoniche di e persone titolare di un permessu di caccia in u dipartimentu di Cismonte è quessa, senza ghjustificazione particolare.

À nome di u nostru gruppu, vulimu oghje dinunzià sta misura di mette nantu à schede di modu massivu è senza mutivu legittimu, una categoria sana di cittadini corsi. Vicinu à 9 000 per esse precisu.

À nome di a Cullettività territoriale di Corsica è di u so Cunsigliu esecutivu, Chì vi ne pare di ciò ch'è no cunsideremu cum'è una viulazione publica di i diritti di a persona,

Vi ringraziu